



YSGOL GYMUNEDOL PENIEL

POLISI RHEOLI MEDDYGINIAETH

1. Darparu Meddyginiaeth

Dylid annog rhieni i ofyn i'w meddyg teulu a ydyw'n bosibl amseru'r dognau o feddyginiaeth i'w cymryd y tu allan i oriau arferol ysgol. Lle bynnag y bo modd, dylai rhieni / gwarchodwyr disgyblion sydd angen meddyginiaeth yn ystod oriau ysgol, fynychu'r ysgol i ddarparu'r feddyginiaeth i'w plant.

Mae'r pennaeth, gyda chefnogaeth corff llywodraethol yr ysgol, yn cytuno i ddarparu meddyginiaethau yn yr ysgol os yw'r canllawiau caniatâd cywir wedi eu dilyn .

1.1 Mae unrhyw aelod o staff sy'n cytuno i ddarparu meddyginiaeth i ddisgyblion yn gwneud hynny ar sail wirfoddol. Ond awgrymir yn gryf na ddylent wneud hynny cyn cael hyfforddiant perthnasol.

1.2 Rhaid i staff sy'n gwirfoddoli i ddarparu meddyginiaeth, dderbyn yr hyfforddiant cywir cyn cael caniatâd i roi meddyginiaeth i unrhyw ddisgybl.

1.3 Rhaid i ysgol dderbyn ffurflen/llythyr wedi ei chwblhau gan rieni/warchodwyr disgyblion yn gofyn i'r ysgol ddarparu'r feddyginiaeth yn ystod oriau'r ysgol. (Atodiad 1)

1.4 Mae'n angenrheidiol i'r Pennaeth gytuno'n ffurfiol â'r cais cyn y rhoddir unrhyw feddyginiaeth.

1.5 Os yw'r disgybl yn gwrthod cymryd ei feddyginiaeth, ni ddylid ei orfodi i wneud hynny. Rhaid hysbysu'r rhieni os yw disgybl yn gwrthod cymryd meddyginiaeth. Os yw disgybl yn gwrthod meddyginiaeth mewn sefyllfa o argyfwng (e.e. pigiad adrenalin mewn achos o anaffylaxis), rhaid cael cymorth meddygol proffesiynol a hysbysu'r rhieni yn syth.

1.6 Dylai staff wneud eu gorau i sicrhau y caiff preifatrwydd a balchder y disgybl eu hamddiffyn, hyd yn oed mewn sefyllfa o argyfwng.

1.7 Os oes angen triniaeth bersonol neu ymyrgar ar ddisgybl, dylai dau aelod o staff fod yn bresennol; ceisir i un fod o'r un rhyw â'r disgybl.

2. Cadw Meddyginiaeth

2.1 Ni fydd yr ysgol yn derbyn unrhyw feddyginiaeth nad yw yn ei gynhwysydd gwreiddiol.

2.2 Rhaid labelu pob meddyginiaeth yn eglur gydag enw a dosbarth y disgybl.

2.3 Heblaw am anadlwyr asthma, meddyginiaethau sy'n rhaid eu cadw yn yr oergell, a meddyginiaethau a all fod yn angenrheidiol mewn argyfwng, rhaid cadw pob meddyginiaeth arall mewn ardal allan o gyrraedd disgyblion.

2.4 Rhaid storio unrhyw feddyginiaeth sydd angen ei chadw yn yr oergell yn ystafell yr athrawon.

2.5 Caniateir i ddisgyblion y credir eu bod yn ddigon aeddfed i gymryd cyfrifoldeb am eu hanadlwr asthma ei gario gyda hwy cyn belled â bod cais ffurfiol wedi ei wneud gan y rhiant.

2.6 Yn ystod gweithgareddau oddi ar y safle, dylid cario unrhyw feddyginiaeth angenrheidiol gan yr aelod o staff sy'n gyfrifol am y gweithgaredd neu aelod o staff gyda hyfforddiant cymorth cyntaf. Dylai disgyblion all fod angen eu meddyginiaeth ar frys fod mewn grwp sy'n cael ei oruchwylio gan yr aelod o staff sy'n cario'r feddyginiaeth. Dylai disgyblion yr ystyrir eu bod yn ddigon cyfrifol i gymryd cyfrifoldeb am eu meddyginiaeth asthma gael caniatâd i'w chario gyda hwy cyn belled â bod cais ffurfiol wedi ei wneud gan y rhiant.

2.7 Ni ddylai staff fyth drosglwyddo meddyginiaeth o'i gynhwysydd gwreiddiol i gynhwysydd arall oni bai bod y cynhwysydd gwreiddiol wedi malu. Mewn achos o'r fath, dylid labelu'r cynhwysydd newydd yn eglur gyda'r holl wybodaeth a gaed ar label y cynhwysydd gwreiddiol. Rhaid hysbysu'r rhiant o unrhyw ddifrod i gynhwysyddion.

2.8 Ni ddylai staff yr ysgol waredu unrhyw feddyginiaeth sydd heb ei defnyddio. Dyma gyfrifoldeb y rhiant. Rhaid i'r rhiant gasglu unrhyw feddyginiaeth sydd heb ei defnyddio ar ddiwedd pob hanner tymor. Pe na bai'r rhieni yn gallu dod i'r ysgol, gallai'r nyrs ysgol gynorthwyo i gael gwared ag unrhyw feddyginiaeth heb ei defnyddio a adawyd yn yr ysgol. Os yw meddyginiaeth disgybl yn gorffen neu ei dyddiad yn terfynu, cyfrifoldeb y rhieni yw ei hailgyflenwi.

Mae yna becynnau Cymorth Cyntaf yn yr ysgol ac mae nifer o aelodau'r staff wedi eu hyfforddi i ddelio gyda materion cymorth cyntaf yn y gweithle.

Ni fyddwn fel staff yn darparu moddion heb ganiatâd. Ni fyddwn yn darparu plasters oni bai bod gwir angen ar y plentyn. Mewn sefyllfa o'r fath bydd yr athrawon/pennaeth yn defnyddio eu barn broffesiynol er mwyn gwneud y plentyn mor gyfforddus a diogel â phosibl.

Crynodeb

NID OES RHEIDRWYDD CYFREITHIOL NA CHYTUNDEBOL AR STAFF I ROI MEDDYGINIAETH I DDISGYBLION.

- Lle bynnag y bo modd, dylid gofyn i'r rheini / gwarchodwyr fynychu'r ysgol i roddi meddyginiaeth i'w plant eu hunain.
- Rhaid i rieni wneud cais ffurfiol i'r ysgol (ffurflen meddyginiaeth) os am i'w plant dderbyn meddyginiaeth.
- Gyda'r disgyblion hyn, efallai mai dim ond goruchwylio'r disgybl yn cymryd ei feddyginiaeth ei hun y bydd yn rhaid i'r pennaeth/athro ei wneud.
- Wrth roi meddyginiaeth i ddisgybl, rhaid i staff wirio: enw'r disgybl, dogn, amllder y dogn, dyddiad terfynu'r feddyginiaeth ac unrhyw gyfarwyddiadau a ddarparwyd gan y meddyg teulu neu'r rhiant.
- Mae polisi'r ysgol yn caniatáu i ddisgyblion gario a chymryd eu meddyginiaeth asthma eu hunain, ond dylai rhieni / gwarchodwyr sy'n dymuno i'w plant arfer y trefniant hwn wneud cais ffurfiol i'r ysgol.

- PARASETAMOL: Mae disgyblion weithiau'n gofyn am boen laddwyr ond ni ddylai staff ysgol roi'r feddyginiaeth yma i ddisgyblion. Ni ddylid rhoi unrhyw ffurf ar barasetamol i ddisgyblion ysgol gynradd.
- Cyfrifoldeb y rhiant / warchodwr yw cludo'r moddion i'r ysgol a dod i'w nôl ar ddiwedd y dydd.



Atodiad 1

Mae Ysgol Gymunedol Peniel angen eich caniatâd chi i roi meddyginiaeth i'ch plentyn. Llenwch a llofnodwch y ffurflen hon er mwyn galluogi hyn os gwelwch yn dda.

Ysgol Gymunedol Peniel needs your permission to give your child medicine. Please complete and sign this form to allow this.

Enw'r ysgol/Name of School: **Ysgol Gymunedol Peniel**

Enw'r Plentyn/ Pupil's Name: _____

Dyddiad geni / Date of Birth: _____

Dosbarth / Class: _____

Angen gofal iechyd/Healthcare need:

Meddyginiaeth

Enw/math o feddyginiaeth^[SEP] (fel a ddisgrifir ar y cynhwysydd)
Name/Type of Medicine^[SEP] (as described on the container)

Dyddiad ei roi/Date dispensed: _____ Dod i ben/Expiry date: _____

Dos a dull/ Dosage and method: _____

Amser/Timing: _____

Rhagofalon arbennig/Special precautions:

Oes yna unrhyw sgil effeithiau y mae angen inni wybod amdanynt:
Are there any side effects that we need to know about?:

Hunan-weinyddu (dilëwch fel bo angen):

Ie / Na

Self-administration (delete as appropriate):

Yes / No

Rwy'n deall bod yn rhaid i mi drosglwyddo'r feddyginiaeth yn bersonol i'r athro dosbarth
I understand that I must deliver the medicine personally to the class teacher.

Rwy'n deall bod angen i mi roi gwybod i'r ysgol am unrhyw newidiadau yn ysgrifenedig.
I understand that I must notify the setting of any changes in writing.

Llofnod(ion)/Signature(s)

Enw / Name (MEWN LLYTRHENNAU BREISION /PRINTED) -----

Dyddiad/Date: -----